



# ADOLAT

IJTIMOIY-SIYOSIY GAZETA

info@adolatgzt.uz • www.adolatgzt.uz • www.adolat.uz • № 21 (981) • 2014-yil, 23-may, juma

Бугунги кунда Ўзбекистон билан Хитой ўртасидаги алоқалар барча соҳаларда ривожланмоқда. Ўзаро манфаатдорликка асосланган ушбу ҳамкорлик муносабатларининг барча йўналишларини қамраб олган.

Жумладан, «Ўзбекистон темир йўллари» давлат акциядорлик компанияси ва Хитойнинг «China Railway Tunnel Group» компанияси ўртасида доводдан туннель орқали ўтадиган Ангрэн-Поп темир йўлини қуриш бўйича умумий қиймати 455 миллион долларлик шартнома имзоланди ва хитойлик ҳамкорлар иштирокида 2013 йилнинг июнь ойида мазкур йўл қурилиши бошланди.

Ўзбекистон билан Хитой ўртасидаги ҳамкорлик икки давлат раҳбарларининг учрашувларида эришилган келишувлар асосида тобора ривожланиб бормоқда.

Яқинда Урганч шаҳрида «UzXCMG» Ўзбекистон — Хитой кўшма корхонаси иш бошлагани ҳам ушбу ҳамкорликнинг ёрқин кўринишидир.

Маълумки, «Ўзбекистон темир йўллари» давлат акциядорлик компаниясининг қатор корхоналарида замонавий юк ва йўловчи вагонлари ишлаб чиқарилмоқда, капитал таъмирдан чиқарилиб, хизмат кўрсатиш муддати узайтирилмоқда. Компания корхоналари яна биттага кўпайди — улар қаторига энди Хитойнинг «Xuzhou Construction Machinery Group» корпорацияси билан ҳамкорликда ташкил этилган «UzXCMG» кўшма корхонаси ҳам қўшилди.

Ушбу кўшма корхонада гидравлик экскаваторлар ва бошқа қурилиш ускуналари ишлаб чиқарилади, техникаларга хизмат кўрсатилади.



## Чин ҳамкорликнинг амалий кўриниши

Лойиҳа доирасида 15 миллион долларлик инвестиция маблағи ўзлаштирилиши белгиланган. Корхона тизимидаги муҳандислик тармоқлари тубдан таъмирланди, оқова сув иншоотлари янгидан ўрнатилиб, ҳудуддаги темир йўллар янгиланди, юк кўтариш мосламалари капи-

тал таъмирдан чиқарилди. «UzXCMG» кўшма корхонасида махсулот ишлаб чиқаришни ташкил этиш босқичма-босқич амалга оширилди. Биринчи босқичда алоҳида йирик механизмлар йиғилиб, баъзи пайвандланувчи конструкциялар ва эҳтиёт қисмлар тайёрланади.



М.ҲАБИБУЛЛАЕВ (ЎЗА) олган суратлар

Ишчиларнинг аксариятини касб-хунар коллежи битирувчилари ташкил этади. Яқинда уларнинг бир гуруҳи Хитойда бўлиб, «XCMG» корпорациясининг экскаватор ишлаб чиқарадиган заводида малака ва тажриба ошириб қайтди.

Ўз мухбиримиз

### ➤ 2014 йил — Соғлом бола йили

Наманганда «Соғлом бола йили» Давлат дастурини амалга оширишда оммавий ахборот воситаларининг ўрни ва вазифаларига бағишланган давра суҳбати ўтказилди.

## Давлат дастури ва оммавий ахборот воситалари

Фуқаролик жамияти шаклланишини мониторинг қилиш мустақил институтининг Наманган вилояти ҳудудий бўлими, вилоят матбуот ва ахборот бошқармаси, Ўзбекистон Журналистлари ижодий уюшмаси вилоят бўлими ҳамкорлигида ташкил этилган тадбирда давлат ва жамоат ташкилотлари вакиллари, ҳудудий босма ва электрон оммавий ахборот воситалари ходимлари иштирок этди.

Тадбирда Президентимиз ташаббуси билан қабул қилиниб, ҳаётга изчил татбиқ этилаётган «Соғлом бола йили» Давлат дастури ижроси доирасида кенг қўламли ишлар амалга оширилаётгани алоҳида таъкидланди. Жисмонан соғлом, маънан етук ёшларни тарбиялаш, оналик ва болаликни муҳофаза қилиш, аҳоли саломатлигини мустаҳкамлаш борасида амалга оширилаётган изчил ислохотларнинг оммавий ахборот воситаларида ёритилиши хусусида сўз юритилди.

А.САТТОРОВ,  
ЎЗА мухбири

### Китоб байрами

Китоб — одамзод ақл-идроки ва истеъдоди туфайли яратилган энг бебаҳо бойлик. У ўтмиш билан бугунни, бугун билан келажакни боғловчи кўприк вазифасини ўтайди.

8 ➤

## Одамлар амалий ишларимизга баҳо беради

### ➤ Депутатлик гуруҳларида

Партия дастурий ғояларини тарғиб этишда, унинг халқ орасидаги нуфузини юксалтиришда маҳаллий Кенгашлар депутатларининг жонкуярлиги, фаоллиги, ташаббускорлиги ниҳоятда муҳимдир. Зеро, сиёсий партияларнинг жамиятдаги ўрни ва давлат бошқарувидаги иштироки бевосита

вакиллик органларидаги депутатлик гуруҳларининг фаолиятига, уларнинг сайловчилар ишончини нечоғли оқлашига боғлиқ. Шу боис партиялар сиёсий майдонда энг аввало ўз электорати манфаатларини ҳимоя қилишга уринади.

2 ➤

## Янгиариқлик Барногул

### ҳудудий ташкилот фаолиятини кучайтирмоқда

### ➤ «Адолат»нинг адолатли аёллари



Янгиариқда Ўзбекистон «Адолат» СДП туман кенгаши ҳақида гап кетса кўпчилик аввало кенгашнинг фаол ва ташаббускор, янгиликларга ўч раҳбари Барногул Сафоевани кўз олдига келтиради. Одамлар қалбига йўл топиб, уларда бу сиёсий кучга нисбатан кучли қизиқиш уйғотаётган, сафдошлар билан баҳамжиҳат ишлаб, партиявий тарғибот ишларини кучайтираётган тиниб-тинчимас бу фидойи аёлнинг меҳнатлари ўз самарасини бермоқда.

5 ➤

## Аниқ мақсадли учрашувлар

### сайловчилар ишончини оширади

### ➤ Фракция йиғилиши

Олий Мажлис Қонунчилик палатаси Регламентида мувофиқ, 26-31 май кунлари Ўзбекистон «Адолат» СДП фракцияси аъзолари ўз сайлов округларида сайловчилар билан учрашувлар ўтказадилар. Шу муносабат билан Олий Мажлис Қонунчилик палатасидаги партия фракциясининг кенгайтирилган йиғилиши бўлиб ўтди. Унда фракция аъзолари сайловчилар билан учрашувларга тайёргарлик кўриш, депутатларнинг сайлов округларидаги фаолиятини самарали ташкил этиш бўйича ишлаб чиқилган Ҳаракат дастури концепциясини муҳокама қилдилар.

2 ➤

## Матбуот хизмати:

### таҳлил ва ташаббус масъулиятли дамларга ҳозирлик

### ➤ Сиёсий ўқув

Ахборот соҳасини ислоҳ қилиш, ахборот ва сўз эркинлигини таъминлаш мамлакатимизда сўнгги йилларда амалга оширилаётган демократик ислохотларнинг муҳим йўналишларидан бирига айланди. Бунга ҳамоҳанг тарзда давлат ва жамоат ташкилотларининг ахборот хизматлари фаолиятини такомиллаштириш, уларга кенг шароитлар яратиш борасидаги қонунчилик ҳам мустаҳкамланмоқда. Бунга мисол қилиб, яқиндагина кучга кирган «Давлат ҳокимияти ва бошқаруви органлари фаолиятининг очиқлиги тўғрисида»ги қонунни келтириш мумкин. Унга кўра, эндиликда давлат ҳокимияти ва бошқаруви органлари ахборот хизматлари зиммасидаги масъулият ҳам ошмоқда.

3 ➤

## Суд ҳокимиятининг мустақиллиги

### янада мустаҳкамланмоқда

### ➤ Қонун кучга кирди

Мамлакатимизда суд ҳокимиятини, унинг мустақиллигини мустаҳкамлаш, инсон ҳуқуқ ва манфаатларини ишончли ҳимоя қилишда қонун устуворлигини таъминлаш ҳамда демократик ислохотларни янада чуқурлаштиришда судларнинг ролини оширишга қаратилган кенг қўламли ишлар амалга оширилмоқда.

Яқинда кучга кирган «Судьяларнинг малака ҳайъатлари тўғрисидаги низомга ўзгартиш ва қўшимчалар киритиш ҳақида»ги Ўзбекистон Республикаси қонуни ҳам суд ҳокимияти роли ва аҳамиятини оширишга қаратилган суд-ҳуқуқ соҳасидаги ислохотларнинг мантиқий давоми бўлди.

2 ➤

## Экологик маданият билан

### саломатликка эришамиз

### ➤ «Ёш адолатчилар»

Аҳолининг экологик маданиятини юксалтириш, атроф-муҳит мусоффолигини таъминлаш ва уни ифлосланишдан ҳимоя қилиш ҳамда экологик муаммоларини ҳал этиш йўли билан фуқаролар саломатлигини сақлаш Ўзбекистон «Адолат» социал-демократик партиясининг Сайловолди дастурида алоҳида ўрин эгаллаган.

4 ➤













